

韻

紅雪慶原卒

冬青樹

癸亥秋孟茂莫襄

孟茂

序

文章爛漫易老境難老而乾瘠非老也老而健老而腴刊
去枝葉言無餘賸此爲老境非少年學人才人所可幾及
也心餘先生所撰院本如空谷香桂林霜臨川夢若干種
流播瓠苑家豔其書而冬青樹一種最後出其時落葉打
牕風雨蕭寂三日而成此書以文山疊山爲經以趙王孫
汪水雲幕府諸參軍及一切遺民爲緯采掇旣廣感激亦
切振筆而書褒貶各見此良史之三長略具於此而韻如
鐵鑄文成花粲此先生老境之文如此子由序東坡和陶

謂無老人衰憊之氣者。有如是也。予交先生時。年未及三十。其後爲翰林。名益高。文益奇。而諸子皆能讀父書。取科目。俾先生淡泊榮利。爲風雅中之巨擘焉。烏虜天之待先生。不爲薄也。此書成。首以眎子。子考文山坐卧一小樓。三年。足不履地。此見正史。而有不足信者。指南後錄。有五月十七夜大雨歌。築房子歌。七月二日大雨歌。諸詩咸道狂。狂之苦。沮洳溼毒。自兵馬司移官籍監。稍爽塏。旋還所司。械項繫足。麥述丁。并收公棋奕筆墨書卷。則所謂小樓者。絕無其地。先生填詞曰。天涯靜度如年日。樓中頻和少陵。

詩。此蓋沿於正史也。此書除勘獄一劇餘皆實錄。故附書所知。以復於先生云爾。乾隆辛丑中秋後一日丁亥吳郡張塤石公序



自序

竊觀往代孤忠當國步已移尙間關忍死于萬無可爲之時志存恢復耿耿丹衷卒完大節以結國家數百年養士之局如吾鄉文謝兩公者嗚呼難矣哉秋夜蕭然不能成寐剪燈讀冬青樹院本三十八首三日而畢摭拾附會連綴成文慷慨歌呼不自能已庚信之賦哀江南曰惟以悲哀爲主殆或似之經曰歲寒然後知松柏若兩公者卽以爲冬青之樹誰曰不宜辛丑八月離垢居士書

冬青樹目錄

卷上

提綱

勤王

畫壁

留營

寫像

急遁

納款

辭官

賣卜

發陵

收骨

局逃

得朋

疑逐

題驛

航海

私葬

夢報

開府

卷下

轉戰

厓山

和驛

生祭

抗節

守正

小樓

浩歌

神迂

柴市

却聘

遇婢

餓殉

碎琴

野哭

歸櫬

菴祭

西臺

勘獄

卷上

不詳樹目錄

冬青樹

鉛山 蔣士銓 填詞

第一齣 提綱

滿江紅半壁江山比五季朝廷尤小誰擔荷中興王業偏
安城堡立馬吳山詩再詠鏖兵赤壁風還裊廟堂中覆局
忍尋看棋輸了垂簾后修降表登庸主諸孤藐碎金甌
守無參政戰無招討謀國夫多難定亂擎天柱弱終推倒
殉金湯文謝兩孤臣江西老

謝太后晚年祝髮

趙王孫新國稱臣

文丞相燕臺殉節

謝招討古寺招魂

第二齣 勤王

正官引子破齊陣生冠帶上半壁江山世界一生忠孝情懷天地難

知科名有媿竊喜高堂健在誰挽風雲銷戰壘自把笙歌

勸壽杯咳乾坤無限哀

集唐管葛本時須經綸中興業有志乘鯨鰲南紀阻歸

檝下官文天祥本名宋瑞江西廬陵人也甫冠一載忝

中寶祐四年進士。遂叨廷對第一。例授京職。洊歷中外。今官江西安撫使。兼權兵部侍郎。不覺行年四十矣。無奈兵鋒未靖。竊位不安。所幸老母康寧。地方寧輯。院子

雜有。生酒席已備。請太夫人上堂。雜太夫人有請。二婢

扶老旦上

引子
新荷葉。祿養鄉關。慰老懷。封大國。萊衣呈彩。旦夫人上

花前調膳賦南陔。官衙晝永春如海。生母親萬福。老旦我

兒。祖姑喪服初周。你仰承朝命。再撫鄉邦。不知日來北

兵消息如何。使我十分繫念。生母親請自寬懷。孩兒特

具卮酒爲母親介壽。老旦生受你。生院子喚家樂承直。

雜是家伶們走動。四女伶上。女伶們叩頭。生日合奉酒。

介雜請上酒。

曲過

玉芙蓉笙簧綺席開。杖履家祥藹。正顏和觴舉。日永蘭

咳。聽歌聲響遏停雲待。舞袖花移戲鶴來。生夫人我愁無

奈聽。貂貅漸來怕微軀。倉皇赴敵漫安排。內傳鼓介雜啟

爺詔到。老旦撤去筵席。我兒出去。乾坤板蕩。方多事骨

肉團圓。且及時。引旦婢伶人下。末捧詔上。聖旨下。跪聽

宣讀。詔曰。先帝傾崩。嗣君冲幼。吾年衰耄。勉御簾帷。曾

日月之幾何、凜冰淵之是懼、憤茲勁旅、闖我長江、乘隙
抵巇、誘逆犯順、慨國步之艱危、皆吾德之衰薄、天心仁
愛、示以星文而不悟、地道變盈、警以水患而不思、田里
愁歎之聲、莫知省憂、介冑飢寒之色、莫知撫慰、嗚呼三
百餘年之德澤、入人也深、百千萬姓之生靈、祈天之佑、
亟下哀痛之詔、庶回危急之機、尙賴文武之臣、食君之
祿、不避其難、忠義之士、敵王所愾、以獻其功、體上天垂
祐之意、起諸路勤王之師、勉策勲名、不吝爵賞、詔諭所
到、想宜知悉、生痛哭介萬歲萬萬歲、天使少待、末朝命

緊急就此告辭，下生阿呀，不料國事竟至于此，我文天祥官樹牙旗，志存馬革，敢不戮力勤王，提兵破敵也。吩付中軍起鼓，合五營四哨人馬，齊集轅門聽令。一面吩付主管將我所有家財，以一半賞現在軍卒，以一半招募新兵，不得有違。大小三軍，就此起馬，星夜馳赴臨安者。衆得令合

朱奴剔銀燈，看韓范初登將臺，把朝宁威靈擁戴，旌旗所指，蟲沙駭撼，山岳嫖姚營寨。王師在，是從天降來，笑談間把豐功偉績共摩崖下。

第三齣

畫壁

老旦尼裝上 一袈裟地水雲鄉、盡日攤經掃石床、俯吸
湖光飲山綠、定中聞得木樨香、貧尼天聖寺住持是也、
聞說今日趙王孫、同管夫人到小菴、隨喜須索烹茶伺
候、下小生王孫裝乘馬、小旦淡裝御車奴婢隨上

南呂引子于飛樂合御香車、乘寶馬、正紅杏枝頭春鬧、算節候
清明將到、趁衣香、尋鬢影、東風猶峭、看天涯芳草護蘋洲、
裙腰暗繞、

小生花信風和暖乍融、尋春天氣慢匆匆、小旦青旛暗

引王孫騎笑向郊原踏軟紅，小生俺乃秀安僖王六世
孫趙孟頫是也，夫人你看韶華爛熳，仕女嬉遊，風日暄
和，江山清美，和你往天聖寺踏青一回，不知有此興致
否？小旦妾身正有此意，就此同行。小旦院子，引車馬向
天聖寺去，末應行介合

梁州新郎魚屏半啟，花幡斜颺，中有光明龍象，晨鐘纔定，
梅檀細裊晴光。老旦迎接王孫爺，小生免勞了，上香同拜
介頂禮菩提金界，正覺因緣，稽首人天相，優曇開展處，妙
蓮香，願早賜蘭閨夢吉祥，楊枝畔鸚哥唱，報麒麟明日從

天降慈雲覆壽無量。老旦請夫人隨喜一回。小旦相公你看長廊雪壁，正宜露葉風枝，何不各染霜毫，共留墨戲。也是一番勝游佳話。小生夫人興會甚佳，侍兒取筆墨來。小旦相公先請。小生還是夫人先請。小旦如此有僭了。小旦畫介。小生妙呀。

前腔。根蟠雲護，叢開烟讓。腕力千鈞難量。背手徐行玩賞。介。思移枕簟，欄陰來就新涼。小旦相公請畫上壁。小生正恐佛頭着穢，奈何。小旦好說。小生畫介。小旦妙呀。只見半江楚雨幾岫巫雲寒，引瀟湘漲鴈聲。天外轉巔斜陽有碧。

杜紅蘭取次芳愁孤客推蓬望記少年聽雨青樓上僧樓
夢共惆悵相公好一幅瀟湘聽雨圖也雜上小人在城中
打聽得元兵將到杭州有江西文天祥領兵勤王我們
湖州只相隔百里如何是好小生此乃天數自有當局
者任之夫人不必介意

節節高中原逐鹿場遊興亡籌邊樓上誰凝望長城將異
姓王憂時相歎楸枰黑白無人講五陵佳氣看猶旺慙無
弧矢射天狼做虛堂燕雀還隨唱院子預備車馬回府去
罷老旦貧尼送夫人小旦罷了

尾聲墨花留琳宮，做怕彩鳳文鸞不久長。莫問他白草黃沙古戰場，全下。

第四齣 留營

小生將巾武裝上 國步艱難愧請纓，勤王空自擁殘兵。枯碁一局誰料理，只恐東南半壁傾。俺天台杜澣號梅壑，耻作庸人欲救王室去。臘糾合四千人，新年十三日見制撫。

文公于西湖之上，今已七日。北兵駐臯亭山下，城中官弁紛紛自往納降。眼見大事已去，此時諸執政皆聚吳丞相府中議事，不知計從何出。且去探聽一回，再作區區。

處下內監策馬領小監上受諫無今日臨危憶古人咱
家奉宮中懿旨特拜文天祥爲丞相兼樞密使都督諸
路軍馬孩子們快走正是大厦將傾憑一木橫流爭逝
賴孤峯下老旦上誰能赤手捕長蛇小生上目斷乾坤
作兩家中淨袖手楸枰爭一劫丑上六飛從此去天涯
老旦下官吳堅小生下官家鉉翁中淨俺賈餘慶丑俺
劉岳老旦我等同爲祈請使不料被唆都留在兵營不
放還朝如何是好丑北兵已劫詔書布告天下州郡各
使歸附又挾皇帝拜表獻土天命已定我等只好順天

行事罷。老旦小生說那里話。事果不諧。惟有一死報國而已。內呵導介。老旦。唆都又來了。我們且自迴避。全下。中淨引隊上。虎穴取龍雛。立功如反掌。應拜黑頭公。圖像麟臺上。俺北朝大元帥。唆都忙右。反是也。統領大兵。駐劄臯亭山下。聞今日南朝遣文丞相來說話。左右小心伺候。生引仗上。持危仗忠信。却敵借言詞。通報雜丞相到。中淨上下官不知丞相駕臨。有失遠迎。恕罪。恕罪。生。唆都請了。揖坐介。中淨久聞丞相文章冠世。忠孝傳家。今來勾當大事。得瞻風采。幸甚幸甚。生。唆都我朝與

北國分掌人民。誼同兄弟。歲幣無虛。聘問不絕。何以虔
劉我邊陲。塗毒我黎庶。使我九廟震驚。三官駭異。請問
來意。還是希圖爭奪江山。還是志在金帛子女。幸爲明
告。中淨說那里話來。南朝禮儀雖優。君臣不振。吾主此
來。實欲代爲整頓乾綱。挽回天步。並無取天下之心。丞
相勿爲過慮。生旣然如此。峻都當退兵平江。靜待區處。
以成兩國舊好。不然禍結兵連。恐非爾利。我乃天朝堂
堂狀元宰相。只欠一死刀鋸鼎鑊。豈足懼哉。中淨左右
丞相說話。真真是個男子心。中淨敢問丞相。度宗共有

幾子。生三子。中淨皇帝第幾。生是中子。中淨兄弟封王。

否。現在何處。生一吉王。一信王。大臣護之去矣。中淨驚。

介何處去了。生非閩卽廣。大宋一統天下。儘有世界。中。

淨既是一家。何必遠去。生宗廟社稷所關。豈是細事。北。

朝待皇帝好。則二王爲人臣。若有差池。就別有皇帝。出。

來了。中淨這還了得。淨上咱家呂文煥。聞文丞相在此。

特來一會。嗟丞相久違了。生哇呂文煥。你尙有何顏見。

我淨素與丞相無怨。如何背地罵我爲亂賊。生國家不。

幸。至今日。襄陽鎖鑰之地。一旦委棄。汝爲罪魁。非亂賊。

而何淨俺守土六年。救援俱絕。不得已聊以自存。何亂賊之有。生。噯呀。呂文煥。你受封疆大任。力窮援絕。一死報國可也。乃愛身命。惜妻兒。上負君德。下墜家聲。罵名萬代。不值一錢。今日尙敢巧辯麼。中淨。阿喲。男子心。男子心。呂先生。你且迴避了。淨。阿喲。愧作青樓女。難爲白眼人。下中淨。丞相。你是大有聰明之人。畢竟投降了。爲是。生。

小桃紅。我孤忠。自矢節如山。到此徒悲歎也。愧不能桃花馬上。斬樓蘭。操白刃。枉登壇。今日裡。落樊籠。困羈閑。一任。

你用刑誅。把我身糜爛也。誰承望苟活生還。我好恨也。恨不得飲黃龍。持天筆。掃呼韓。中淨真正的男子心。左右好

好將丞相交與信世昌。叫他伴送到留遠亭中酒飯。待俺向伯顏說明。便送往北方去。雜理會得。分下未冠帶。

上宗廟有靈賢相出。點黎無害宋皇明。俺信世昌字雲父。東平府人。魏公子無忌之後。今爲北國太常丞。喫都

令俺伴送文丞相。往留遠亭筵宴。須索前去。下淨中淨

丑全上。初斟馬潼酒。飽食大官羊。薇蕨憑他採。難言葬

首陽。淨俺呂文煥。中淨俺賈餘慶。丑俺劉岳。今日北朝

宴我輩于留遠亭上。且圖灑落一回。末同生上。草木有
知春變色。江山滿目淚沾衣。衆文丞相來了。敢問可是
降順了麼。生你這一班賊臣。喪心辱國。蒙面偷生。我文
天祥。豈是草間求活之徒。何必饒舌。雜引二妓上。我們
是伯顏丞相送歌姬來。承直筵宴的。丑妙極妙。極留下
留下。我們席地而飲罷。抱妓作醜態介。末丞相請坐。生
咳。雲父。你難道不知我的性兒麼。

下山虎。我雖是性。耽聲伎。酒渴燈殘。虎尾春冰。地豪華盡。
剛拚得個。齧雪餐。瓊漆身。吞炭。却不道。蘇武曾經十九番。

待覓傳書鴈。耻偷生大澤間。一劍留身畔。捐軀等閑何必。
要生戴吾頭。入玉關。自刎介末奪劍介快扶丞相安息去。
同下丑猷子猷子捨却現前受用。要圖身後虛名。我醉了。
二位美人扶我睡去罷。下淨咳。國家將亡。生出此等
人物。罷了罷了。空中淨下。

第五齣

寫像

末上青雲貴戚玉麟兒。曾逐鑾車入禁闈。三尺焦桐千古意。黃金誰與鑄鍾期。咱家汪大有。字元量。別號水雲。江西浮梁人也。曾中咸淳進士。因見天下多故。乃棄職。

隱居。甘作布衣之士。平生性愛絲桐。遂以鼓琴出入宮闈。叨居師席。今日奉謝太后懿旨。命我覓一畫士。偕其族子謝晚。同入禁中。道言未了。二君早到。小生冠帶上戚里。恩深天最近。中淨畫士上漢宮。春曉畫來新。小生汪先生。敢煩引進。未當得奉陪。這里來。全下。二官娥引旦上。

南呂引子

上林春位正慈寧。極尊養。端的是人間天上。好從風

日佳時。教寫禕揄小像。北極垂慈訓。中宮正母儀。寢門馨膳日。金闕問安時。老身度宗皇后謝氏是也。賢稱脫珥。

聖許垂簾。雖然海宇未寧。却喜宮庭多暇。今日命琴師
汪大有傳旨與我姪兒謝曉。覓一畫士入來。與我寫一
小照。王清惠你同翹翹到宮門上去看看。若他們已到
引來進見。小旦貼領旨。末小生中淨上初尋長信路。遙
惹御鑪香。末昭儀我們到了。小旦隨我進來。啟太后千
歲。汪先生等已到。旦宣進來。末太后在上。汪大有等朝
見。願娘娘千歲。小旦平身。末千千歲。旦姪兒。這畫士是
何處人。小旦他是福建人。旦翹翹取几席來。爾等俱坐
了。末等叩首介謝坐了。丑坐理筆硯拂牋介

過曲繡帶兒瞻仰後凝神注想迴眸未敢端詳玉天仙似降

瑤池鳳鸞姿合配龍章黃裳坤儀母範端嚴相靜好是天

家隨唱落伽山慈雲上方這纔是主長秋的姬姜天人形

狀跪獻介御容寫完恭呈聖覽旦妙呀

前腔頭換相向似鏡裏平生模樣朱顏漸換星霜大都因憂

國心勞漫支持定亂身強畫士丑臣在旦叅詳靈臺須借

丹青狀願你畫褒鄂麈麈閣上末小生合加一個圓明佛

光便流傳做南海的觀音供養旦宮人取黃金二錠賞他

去罷丑叩介謝太后娘娘恩賞末引丑下旦姪兒

三學士你看這鳳袞褱衣眉目朗當時佐理垂裳只怕龐
眉鶴髮難安享孤負這袍袴官人掃御床却不道儉下無
終徒廣賴念家國惟自傷小旦太后娘娘何出此言

前腔雖則是戎馬中原多擾攘金甌豈便虧傷全仗你昇
平九御三宮掌合進這福壽千秋萬歲觴旦但願如此姪
兒你且出去小生是旦下無限心中憂苦事一番清話又
成空下小生咳爲甚麼話到其間多悵快早難道離宮內
蔓草荒下

第六齣 急遁

中淨上燕雀處堂身尚在豺狼當道國將亡。我陳宜中。賦命不辰。却做了個亂世庸臣。不料太祖一個花團錦簇天下。第一次被秦檜斷送。第二次被賈似道斷送。想我老陳在開慶年間。也是太學六君子中。錚錚有名之士。不幸命中該做宰相。晚節貽羞。罷了罷了。君子見機而作。這殘破局面。我委實的弄不來。不如急早抽身。逃往永嘉。坐觀成敗。多少是好。正是只好鼻平享富貴。那能變亂任艱難。除紗帽急走下。淨末丑引小旦貼扮玉子老旦旦扮二妃全舟上。

仙呂
過曲

甘州歌龍舟鳳楫挂蒲帆三丈似掣驚蛇金甌已缺

心傷陸海沉車淨我蘇劉義末我張亮節丑我張全淨朝

廷大事已去我們奉了楊俞二貴妃扈從二王逃出京師

二公我們如今自漁浦渡江方才安穩末丑是極吟付水

手可向漁浦渡江去衆應介合別開生面避羅罟另立朝

綱營殿闕小生駕飛舟上龍舟慢行淨呀楊駙馬來了牙

檣並錦纜接寒波高捲日將斜臣駙馬都尉楊鎮迎駕願

二王千歲小旦卿大勞苦矣小生千歲合同延佇長歎嗟

蒼茫迴首夢非耶全下

第七齣 納欵

丑冠帶上

寧爲太平犬。莫作亂離人。忠臣不怕死。怕死不忠。

臣下官湖州太守蹇材望。四川人也。起家黃甲。性愛青

蚨。聞得北兵將到。不免打起精神。做一個正人君子。有

理有理。左右取牌子一根來。書介大宋忠臣蹇材望來。

來來。再取我那送終本錢來。雜取銀上。老爺因何把兩

個元寶鑿上兩個孔竅。丑取一條綾子來。穿在裡面。書

介有人收我屍首者。以此銀送爲埋葬之費。雜老爺難

道真個要做忠臣麼。丑狗才元兵一到。我就投水而死。

雜上報報報元兵已打破南門進到駱駝橋下了丑阿
呀呀這却怎麼了雜聞得夏貴不聽統制王順之言掣
去沙武口沌口二處守兵又不准他用沙石沉舟防禦
所以來得恁快丑如今沒法了只好拿了官銜手本迎
接去罷雜爺才說要投水做忠臣怎變了卦丑狗才不
過說說罷了投在水裏可不灌殺了況且六君子中黃
鏞曾唯都降了陳宜中做宰相也逃了靠我這個不通
進士擺個甚的架子快去跪道伺候若得一官半職豈
不依舊興頭起來

正官
過曲

四邊靜官場。花面便宜最趨吉。凶當避。笑罵任他人。

吾身且榮貴。淨元帥引兵上。丑湖州知府蹇材望迎接元

帥。淨你早不獻城。此刻才來。左右拿下砍了。丑哭抱頸介

有個下情。只因缺了手本。方才尋着一個繕寫端正。所以

遲了。望爺爺饒命。淨這也罷了。你是個知府。如今降你一

個知州去罷。下丑連叩介多謝多謝。阿呀。這人娘賊好凶。

不是老蹇長于應對。幾乎把這個吃飯家伙出脫了。道旁

一跪馬頭。雙淚遺體。不會傷忠孝。兩無愧笑下。

第八齣 辭官

小旦貼上卸却雲翹改舊粧。琵琶馬上好淒涼。忍將粉

黛歸新主宰。相由來。鉄石腸。小旦我昭儀王清惠。貼我

宮女翹翹。小旦今日謝太后已將降表。遞去北營。少頃

卽來搜括六宮子女。玉帛而去。天那。長門永巷之苦。已

過半生。黃沙白草之災。又逢今世。此時求爲一田家之

婦。不可得矣。全哭介你看全謝兩太后。哭出來也。老旦

旦便服同上

中呂
過曲

粉孩兒哀哀的叫皇天呼后土。把龍樓鳳閣恁般離

去。哭介謝道清呀。僉名降表輪到吾。送江山是趙氏孀孤。

一班將大轟高牙一班相高爵厚祿丑武裝上大元丞相
有令命我等預備車輦立刻護送各位娘娘並宮人們
到燕京去請娘娘們登車老旦哭介天那怎生是了也

合

紅芍藥摧迫的只在須臾逼拶的恁般狠毒不過是柴車
輪歷碌那有鳳輦鸞輿何日文姬能自贖還怕要欺凌
戲侮說甚麼富貴神仙現放着鰥寡孤獨丑快些上車
路不要誤了工夫

耍孩兒告娘娘不用心悲苦俺這里昭陽院點着蟠龍花

燭伊行伴君王一樣爲夫婦。何須要偷買長門賦。新王后
應當做。老旦旦嚶呀。聽他這等言語。不好了呀。

會河陽料玉潔冰清。難全故吾。上山寧復採薜蘿。羅敷陌
上桑間。且難迴顧。况我是當今國母。中年怎做得他人婦。
衰軀怎。墓得燕支土。小生上

縷縷金聞奇變。急奔趨入介。太后爲何悲楚。旦姪兒來得

正好。我此番北去。不能瓦全。只有畫像一幀。付你收藏。倘
趙氏有中興之日。你可獻上。付像介。今後呵。寒食清明候。
挂堂隅。麥飯梨花祭。哭聲姑母料。魂歸紫塞。珮環俱雙肩。

會。顰。蹙。雙。眉。會。顰。蹙。丑。不。用。勞。叨。了。走。罷。老。旦。等。全。上。車。

介小生持像隨哭介

尾聲風沙滿髻龍堆土不及明妃出塞圖好教他早築就
一座青塚相隣兩后居。

第九齣 賣卜

未蒼髯白氈帽紫花布袍持招牌上書疊山演易字徐行上

仙呂入
雙調
步步嬌
一戰孤城傷殘破單剩餘生我飄零歎奈

何演易更番天機參錯窮旅影婆娑問中興景運誰人佐

俺謝枋得表字君直自弋陽失守官兵潰散妻子流離

不知下落。只留下孑然一身。走到建陽。在此橋亭之上。賣卜度日。兼打聽中原消息。仔細想來。平生坎坷。好不痛心也。

忒忒令念劉蕡陳書乙科。忤時宰。闖人蒙禍。董槐威力。奈剛強難奪。誰念我歷艱辛。遭磨折。歎沉淪。到兵曹架閣。

後來在江東漕司發策。考試諸生。又觸怒賈似道。將我落秩。安置興國軍。因榜所居之門曰疊山。從學甚衆。後來賈似道屢以京職餌我。皆力辭之不赴。及提刑江東。遂貽害疆場。有乖職守。昨聞京師消息。一發不妙。天那。

怎得個確信方好。

沈醉東風念危邦無人枕戈中原事憑誰擔荷把髀肉自

摩。欸英雄流落痛人力與天心相左虞淵日矧邯鄲夢

過問蒼穹不語這興亡奈何。小生上阮籍悲難解唐衢淚

不乾。巍科久無分吾道信艱難俺延平謝翱表字臯羽

昨自弋陽歸閩來此橋亭地方你看有一卜者在彼不

免托他占我行藏能遂大志否先生請了末請了敢問

高姓大名小生卑人延平謝翱先生何處人末在下江

西弋陽人小生卑人方自弋陽來末噫先生弋陽有

何聞見請教請教小生謝君直守城失利逃竄無踪太
守將他妻子捕送建康獄中聞他夫人李氏甚有顏色
那廉帥遂欲妻之自縊而死夫忠婦節却是可敬末呀
我那妻呀倒地介小生原來就是疊山先生咳失言了

扶末介先生甦醒末漸活低唱介

江兒水昨賦無家別今爲錦瑟歌夢中炊白徵原惡妻呀
你守志堅貞芳名播我懷忠潦倒浮生過讓冀缺梁鴻安
安念夏日冬宵同穴何時依我小生先生且免愁煩末人
生如夢況值斯時倒也省了多少牽纏先生要占何卦

冬書樓
小生待小生筮來。先生判斷。揲著介末師之遞呀。先生
亦有心人也。莫非要起義兵麼。小生然也。末且勿孟浪。
將來有一大人勤王。你可提一旅相助。所謂師貞丈人
吉也。然畢竟無功。哪不事王侯。高尙其志。這就是你終
身結局也。小生咳。

川撥掉天生我在人間做甚麼。待從軍按劍提戈。待從軍
按劍提戈。砥狂瀾中流浩歌。末數難期。奈若何。志難全。奈
若何。小生先生此硯甚古。向在江西見文山先生一硯名
曰玉帶生。可以相匹。末咳。他不能咏歌太平。我不能草

檄殺賊、皆硯之不幸也、要他何用、先生如愛之、卽以相贈、小生收謝介多謝合

尾聲唐生詹尹啼痕墮蒿目時艱隱恨多怎能殼露布飛
馳奏凱歌分下

第十齣 發陵

中淨上生人身首不能全、死鬼屍骸豈必堅、丑上難怪。
漢皇教薄葬、免他寶氣照山川、中淨小僧天衣寺住持、
西山是也、丑小僧剎中頭陀、允澤是也、只因我佛有靈、
致使番僧得氣、自元朝一統中外、總制楊璉真伽、甚有

威勢、我等便將此紹興皇陵六座、獻與楊師、他領兵匠
數百人、發掘已經七日、今早傳我二人、想是賞些金寶
酬勞的意思、正是地下黃金終出現、人間黑眼最分明、

下淨番僧裝披髮大鼻錦袈裟領兵負鍬鋤同上合

中呂過曲

泣顏子東郭好晴天。芳草如茵平展。魏冢馬鬣松楸

不數祈連、俺楊璉真伽、奉旨發掘宋陵、連日完事、中淨丑

上跪介西山允澤、迎接楊翁、淨當陽運去笑清明麥飯無

人薦填海水精衛空勞、泣空山望帝鳴冤、老旦內監上你

把先朝皇陵、這樣作踐、天理何在、淨哇、狗弟子、你是何

人老旦咱乃守陵太監羅銑、淨左右、將這廝重打一百、衆打介鎖去監禁、侯旨定奪、衆押下、淨西山允澤、你且說這些陵墓是誰的、中淨楊爺聽稟、這是寧宗楊后理宗度宗四陵、淨什麼光氣、衆是理宗陵內放出來的、丑此寶氣也、淨妙呀、

石榴花、金銀氣洩、光射寶城巔、笑枯骸、怎得安眠、雜這理宗陵內、骷髏竟有斗大、內有伏虎枕、穿雲琴二件、淨顛骨帶去、鑲爲飲器、供佛、其餘仔細收藏着、中淨這是孟后徽宗鄭后高宗吳后孝宗謝后光宗度宗九陵、玉魚金椀取

牽連寶匣珠襦莫瓦全、**雜**孟后僅存頭髮一握長六尺、色

紺碧光潤可鑑、上插短金釵一枝、高宗體骨化盡、止有錫

氣數件、端硯一方、寧宗剩頂骨一片、玉瓶爐一副、徽陵得

烏玉筆箱銅涼繡管二件、高陵得真珠馬鞍、光陵得百齒

梳、香骨案、楊后陵得綠玉磬、度陵得五色絲盤、黃瓊扇柄、

淨一一收過了、**丑**這理宗骸骨甚是長大、脚踢介大約是

長狄、僑如轉世、跌地滾叫介痛煞我也、淨西山看來、中淨

呀、十個脚指、好似剪下來的、淨你快背他去安歇罷、中淨

是、**雜**丑下、**雜**發掘已完、請楊翁回府、淨妙阿、合計杭城內

外共掘君臣墳墓一百一所。只有林和靖那廝。塚內僅存
白玉簪一枝。畢竟是個窮鬼。山陵龍氣。今已遷渾。不用黃
金堰。待我奏過主上。將這些骨殖。雜以牛馬枯骸。搗爛和
泥。建造六和浮屠一十三丈。鎮壓臨安王氣。咳。趙官家。你
待占吉地。樹宗碑。萬千年。怎知魂魄化雲烟。全下。

第十一齣 收骨

小生巾黃鐘
服上過曲

絳都春序。天乎太忍。這山陵慘毒。丁何厄運。

奇變稀聞。宋室諸皇。何德損摸。金校尉同開墾。把列聖精
靈驚遁。小生山陰唐珏。表字玉潛。年方三十有二。四壁蕭

條授徒養母。昨日變起山陵。有賊髡楊璉真伽。將列聖墳墓。蕩爲坵墟。至斷殘支體而去。小生不勝憤恨。變賣家具。稱貸他人。共得三百金。已經預備酒食。烹宰猪羊。相約里中少年十數輩。托他們身背籐筐。手提竹筴。趁此昏月之下。收拾諸陵骸骨。標識不亂。明日私葬蘭亭山下。也表我草莽孤臣。一點義氣。我滿懷悲憤。一腔怨恨。共誰評論。雜八人上。我等山陰農家。蒙唐相公今夜相招。只得同去。見介。唐相公有禮了。小生諸位。請席地痛飲一回。小廝取酒食來。雜取盤餐壺碗上。列位請酒。衆歡叫痛飲。介

合

前腔換頭香醞飛觴滿引放北海長鯨滄溟吸盡拊戰沉
酣脫帽當筵衣欲褪唐相公你是一個貧士那得破費許
多錢鈔周旋我這一班酒鬼小生諸兄且盡興喫酒莫管
他雜如此我們且喫他娘各浮白介主人情重皆休問要
頭顱吾儕都肯醉中豪氣千尋可要尋癡索費唐相公你
不說明心事我們斷不喫了小生列兄呵

耍鮑老祖宗父母留根本誰不是宋良民雜唐相公你要
起義兵我們立刻去擔了柴刀門門來小生非也先聖諸

陵被楊賊發掘。將骸骨拋棄滿山。列位心上過得去否。哭

介空山鬼哭情堪憫。怕豺虎狐狸損諸公。思忖。雜阿呀。譬

如我家阿爹阿奶的骨殖。被人侵害。也要急急去告狀。一

面相持打架。一面收殮。葬埋。俗子一個皇帝娘娘的屍首。

我們竟不管賬。反了反了。雜不要胡鬧。如今請教唐相公。

怎樣一個辦法。小生小弟備有籐筐竹筴十餘副。諸兄若

肯出力。就此同去拾取。雜快擔來。快擔來。小生小廝取來。

衆看介相公。這筐中已經取了骨殖來。又何用我們再去

小生不是此。乃牛馬猪羊之骨帶去換了。免得楊賊明日

尋究，**雜**真是讀書人，想得到不然，這狗入娘的，他不見了。這牢屍如何肯干休？小生便是**合**真偽一般難作準，真跡收藏謹臨摹不損，比骨力較風神，打上蘭亭印，保護昭陵本。這里是了，同拾介開汲冢，築印墳，曹瞞難識認，龍骨此中存。大事已完，我們散了罷。小生且慢小廝取過包裹來。這是謝儀，每位二十兩，明日還要奉煩，將此陵骨歸于六錮鉄函內，葬向蘭亭山上，并求移取故宮前冬青一樹，栽向冢上，以爲表識。衆一槩遵命，只是我等皆是趙家百姓，怎好受謝？小生不妨，此小生一點敬意，請收了。

罷諸兄呀

尾聲寶城華表憑誰問有苦雨淒風相殉衆唐相公到明年清明時節呵隨着你破帽青衫哭墓門下

第十二齣 局逃

外將巾箭衣上王籠羈彩鳳金鎖困神蛟俺余元慶真州人也跟着文丞相來到鎮江不能脫去幸有一舊交爲北兵管船我許千金相謝托覓一舟他說我爲大宋救得一丞相回建大功業何以錢爲但求批一帖爲他日進身之約足矣丞相已與一帖又與白金數十兩真

義人也，但船雖有了，俺一行十二人，如何走出京口。此
時丞相在河邊沈頤家安身，又有王千戶監押，半步不
離，虧得沈頤把王千戶灌醉，此時不走，更待何時。喂，杜
架閣，末上，怎麼說。外：王千戶已醉臥在彼，此其時矣。末
丞相有請。生上：架閣怎生布置了。末：余元慶在外候丞
相啟行。生：十二人一齊走動，必不妥當。我與余元慶先
行，你在後面與他們陸續逃出方好。末：理會得。下。外：丞
相趁這星光之下，快些覓船去罷。合。

仙呂入

雙調

朝元令。星光漸稀，人影橫沙地，雞聲未啼，馬陣聯

冬青樹

看

征騎冷霧淒迷愁雲陰翳生怕驚鳥空墜下老兵上趁了
大墟跑了大驢開了大湖走了大魚方才在營房內噓了
四兩燒刀有些意思起來且回窩鋪裡去睡他娘末上見
兵急避介兵不好了有了賊了末上掩生口介老將是我
休嚷兵啣你是杜哥想是要渡河末沒相干我是解手的
兵噫你跑肚阿我要吐阿末這是五十兩銀子送老將買
些解酒藥收好了兵笑介嘻嘻嘻我的哥我一輩子不會
發這個大財明日到我營房裡來喫燒羊肉末多謝兵醉
吐下末了不得幾乎悞了大事丞相快來生外全上又是

怎樣末營兵已去。此時不妨事了。快走呀。屈曲高低浮萍。
爛草壅淖泥岸樹立。能驚江聲咽。鼓鼙生顛危同濟。悽悽
慘慘偷彈老淚偷彈老淚。外好了。這是甘露寺前了。內鐘

聲介合

前腔

第二換頭

點點霜鐘緩擊。檣烏欲共飛。征馬自驕嘶。星流

如矢穿林露濕衣。松柏支撐奇鬼。廢堡狐狸。青燐影裏不
住啼。側耳聽潮雞。擡頭看怪鴟。生艱危同濟。悽悽慘慘偷
彈老淚。偷彈老淚。外待我覓船來。喂水手水手。呀。這個船
竟不見了。怎好。生哭介。蒼天那。

前腔

第三換頭

不見停橈輕鷁。孤帆何處飛。枯蘆殘葦。斷岸危

磯。買腰壺誰與攜。無語自徘徊。相看若醉癡。料羽扇無從

覓。同深魚腹。悲五夜月將西。三更人正飢。生艱危難濟。悽

悽慘慘。偷彈老淚。偷彈老淚。罷罷罷。文天祥今夜應該死

在此地。更有何說。拔靴刀自刎介。外未奪刀跪介。噯呀

丞相不死于白刃叢中。却于此處自盡。豈不可惜。外丞

相且請在這石上少坐。待我尋船去。再來相請。疾下生

咳。架閣是這等光景呵。

前腔

第四換頭

豈是天公相戲。當場人自迷。已冷劫輪灰。難挽

東流水。誰能避殺機。無力解重圍。外上丞相。船在半里外。
我們快去。從此天空任鳥飛。船家搭扶手。雜上請上來外。
扯起風帆。快些走罷。但願風送馬當磯。莫教雷轟薦福碑。
內擊梆喊介。喊什麼船外。是河豚船內。是歹人船。趕上去。
拿住他。內。我們船淺在沙灘上。弄不動了。生天那。艱危同。
濟。悽悽慘慘。偷彈老淚。偷彈老淚。全下。

第十三齣 得朋

未冠帶上迎鑾江上建高牙。南北軍書亂似麻。喋血登陣同
殺敵。無心蕭寺訪瓊花。本帥苗再成。領兵駐守真州江。

防嚴密。適報文丞相到此。不免禮接。左右請文丞相到清邊堂上來。雜應介。生上本詩四十義娥落虎狼。今朝騎馬入真陽。山川莫道非吾土。一見衣冠卽故鄉。安撫請上。下官有一拜。末丞相請上。末將也有一拜。同拜介。生丹心開府。賴公砥柱狂瀾。末赤手擎天。維相肩持覆局。看酒來。丞相請坐。對坐介。生敢問安撫。近來軍務若何。末咳。丞相兩淮兵力。足以復興。惜制使李公。怯不敢進。與淮西夏老。又有嫌隙。不能協力。勤王幸得丞相北來。明日與我們通透兩淮。脈絡不出一月。連兵大舉先

去北巢之在淮者、江南可傳檄而定也。

仙呂入

雙調

風八松欲禽荆楚制江黃、天子威靈堪仗、俺投鞭

飲馬心原壯、爭忍見乾坤板蕩、待力挽虞淵寸光、只恐蕭蕭鬢、點新霜、生安撫忠義之性、情見乎詞、令人敬服、我文

天祥呵、

前腔慚無勁、旅赴疆場、顧影纍纍家喪、包胥掩淚空凝望、何處有秦庭堪仰、今日得見安撫撥雲霧、神飛氣揚、賴你把奇功建、勒旂常、未爲今之計、當先約夏老、提兵出江邊、如向建康之狀、以牽制之、此則以通泰軍打灣頭、以高郵

冬青樹

三

淮安寶應軍打揚子橋、以揚州大軍向瓜州、俺與刺史趙孟錦、拏舟師直搗鎮江、同日並舉、叫他倉卒不能相救、那灣頭揚子橋、兵俱柔弱、又有怨心、王師一到、勢如破竹、俺當於江中一面擊之、雖有智者不能與謀、此策既定、則淮東軍至京口、淮西軍入金城、敵在兩浙、無路可出、北帥可生致矣、俺待縛中原鹿、相犄角、張羅網、不怕他挺而走、管取困迷陽、今日求丞相、扎致兩淮東西制府、全賴你指天日、迴川岳、如椽筆、飛尺素、挾風霜、生安撫言論、動合機宜、是社稷之幸也、天祥敢不盡心、

前腔盾頭磨墨氣飛揚大義聲明天壤王師十萬從天降
保半壁金湯無恙未夜深了請丞相歇息明早起來辦理
生多擾了定策在清邊一堂橫鉄鎖斷長江全下

第十四齣 疑逐

小生老旦 俺王都統老旦俺陸都統小生奉苗爺之命
武裝上

陪伴文丞相閱城丞相有請生上金湯原鞏固戎馬漫
蒼黃二位都統有勞了小生好說請丞相登城巡視一
回左右帶馬來末外金杜暗上隨行介生

黃鐘 降黃龍則見百雉連雲橫卧邗溝斜抱江濤丸泥鎖
過曲

鑰險隘提封，遮蔽淮軍，評論波濤如雪，馳水馬連山成陣。
佛狸城銅垣鉄甕，古制猶存。二將校上，我們是苗爺差來。

送制府文書與二位都統爺看。小生南來有一丞相，乃
北兵遣來真州賺城者，須緊防之呀。元來如此，兩路分
送丞相出城看看。二將理會得。老旦吩咐門軍把小西
門閉了，不許放丞相入城。內關城那小生閉門防間諜。
老旦磨劍覷行藏，同下生呀。爲何閉了城門，兩都統不
別而去。將丞相不知揚州制府有文書遞到，說丞相是
北兵差來賺城的，是以拒絕。如今丞相待往何處去呢。

生：「噯呀！此話從何說起，兩路分，他如何說我是奸細，將文書上說丞相乃大臣，如何脫得身，縱然逃走，也無十二人同來之理，何用多辯？」生：「他既不肯相容，我只索往揚州去罷。」將揚州方將要殺害丞相，怎麼去得，不如往淮西去罷。」生：「咳！死生自有天命。」將安撫備有船在江口，丞相登舟歸南歸北，但憑尊意。」生：「呀！這等說，安撫亦疑我了，我斷斷要往揚州，死生已置之度外矣。」將實告丞相，苗翁差我們便宜行事，我等看丞相是個忠臣，焉敢殺害你，既要往揚州，那就是瓜州，只隨着買賣人的馬。」

孫子一直去便是西門、我們不陪告別了、**生**架閣取百五十金謝二位、**將**我們若圖財利、便殺了丞相、此去路長、留以自用罷、但前途兵馬甚多、寧可迴避他爲妙、**全**下生咳、此輩中竟有義士、難得難得、

前腔

頭換

逡巡呼吸之間、白刃難逃、殘生都盡、目斷危途、芳

草萋萋、寒波滾滾、**內**喊殺聲、介末不好了、兵馬來了、這里

有所三十郎廟、進去少避一刻、尊神垂憐、窮旅鑒我平生、**忠信**施威力、牆陰局促、屏息偷躡、**兵**馬上繞場下、**外**好了、

過去了、**內**又喊殺、介末兵馬又來了、前面土圍一所、但

丙中馬糞堆積如何存站生不要管他且進去躲過片刻罷蹲坐介外暗下兵馬上繞場下末呀丞相余元慶李茂吳亮蕭發四人各拐銀子一百五十兩逃去了生咳這也由他罷了雜二人上丞相呂武鄒捷下山取水指望覓些米菜來與丞相救飢不料遇着賊兵拏住只得把所藏銀子三百兩給了他方得脫末得了性命便好前面有個古廟且到裡面過宿明日再作理會全入廟介生喫

黃龍衮龕留剝落身龕留剝落身壁畫銷金粉香爐蔓草

薰紙錢灰黑炊烟冷、僧道無踪、鐘魚皆損、靈旗爛、飢蝠飛、

蛛絲引、雜扮四樵夫上廟裡來呀、你們是什麼人、生我們

是客商、避兵在此、飢渴難當、不知何處、可以買些飯喫、

雜我等走了五里路、買得些炊餅在此、不嫌粗糙、便分

與你們三四十個如何、生多謝多謝、收餅介末、這是二

兩銀子送列位、雜多謝、喂夥計、這些客人行囊甚肥、不

如今夜三更發个財罷、雜搖手點頭介生、一日困乏、且

席地安眠一宵者、生末同睡介二雜起持斧介來呀、摸

介在這里了、斫二鬼上捺住二雜打介雜喊介生末

醒介爲何叫喊。雜說不得。我們見客人行囊有餘。頓起
不良之念。那里知道這神靈肯管閒事。叫小鬼將我們
痛打一頓。生不消如此。這是百金奉送。只求指引高沙
去路。在那一條上。雜許多見賜。真是好人。這是賈家庄。
哪。那邊往高沙去的高郵州也不遠。我們散了罷。下生
深感神明保佑。不然性命休矣。天已大明。你我快行罷。
尾聲驚心動魄。全生遁日。夜顛危與死鄰。可憐俺皮骨猶
存老瘦身。下

第十五齣 題驛

小生軍官上，娟娟上苑一叢花，催上黃塵薄笨車，却笑

王嬙身獨自，無人馬上和琵琶，俺北朝總管奉命押送

宋家宮女十七人北行，頭目何在？
丑上：有小生，這是花

名摺子一個，上載宮女十七名，你隨着車子，小心伺候。

丑：爺，咱不識字，這些人的名兒，求爺念一遍，咱就記得

了。小生聽着：王清惠、陳正淑、黃蕙正、何鳳儀、朱靜正、葉

靜慧、孔清正、鄭惠正、方好靜、翁懿淑、章妙懿、蔣懿順、林

順德、袁正淑、章麗正、袁正正、金德淑。
爺：請前行，咱隨後

來者。小生策馬下。
丑：車子趨上來，或四車六車扮宮女

何處乘槎遠問牽牛。我文天祥自通州得遇曹太監及張少保。始知益王已登大位。改元景炎。少保乃與我一海船。又得台州薑船三隻。結伴飄洋。來至福州。只可惜記室金應。在我門下二十餘年。今春授爲承信郎。得爲正將。駐劄

贛州。不料在通州病故。但買一薄棺。厝于西門雪窖中。不知何日。得以返骨廬陵也。沉浮打點。御香盈袖。拜螭頭。再領貔貅。重整頓南朝宇宙。佐新君。匡襄廟算。恢復神州。下

小旦扮新帝引官監上。王業重開閩海上。鸞輿且駐福

州中。朕乃景炎新主是也。童年繼統。賴聖母楊太后宰

原书如此

原书如此

相陳宜中輔佐聞先朝丞相文天祥航海來朝內侍召
文丞相上殿雜聖上有旨宣文丞相上殿生冠帶執笏
上海光浮動旌旗影兵氣銷爲日月光臣文天祥見駕
願吾皇萬歲小旦平身生萬萬歲小旦聞卿心懷忠義
備歷艱難爲今之計當以何者爲先卿其教我生陛下
興言及此誠社稷之福也但願陛下上念祖宗創垂之
德下拯蒼黎塗炭之憂臣惟有鞠躬盡瘁收復神京以
圖再安陵廟而已

駐馬聽廊廟機謀雪耻宣威第一籌只要君臣無逸朝野

安寧政事操修九重垂拱仰懷柔三山鎮靜開堂構合那
時節端冕凝旒荷香桂子重祝親壽小旦朝儀已畢卿等
退班下生大笑介不料我文天祥今朝復覩天日真乃
皇家厚幸也

尾聲金甌永奠朝儀舊聽絳幘雞人報曉籌但願得先定
杭州再汴州下

第十七齣 私葬

旦巾珠鳧玉雁又成埃斑竹臨江首重回猶憶年時寒
服上食節天家一騎奉香來下官温州林景熙字德賜起家

大學釋褐郎官目覩士崩瓦解心傷地覆天翻前日唐
玉潛收易諸陵骸骨我也是趙家臣子焉敢坐視爲此
變賣琴書助他改葬且向蘭亭山上走一遭也下小生

領三人擔匣六個一院子捧香酒隨上

商調
過曲

水紅花橋山弓劍歎成灰鼎湖乾龍髯無奈趙家乾

淨士堪埋抱神脾松楸何在我唐珏親奉六函來到蘭亭
山下試看茂林修竹曲水盡含哀料無官監進香來也囉

旦上玉潛兄少待小弟來會葬也小生霽山兄我想當

時山陵禮成衣冠哭奠何止千人今日只我草莽兩臣

招魂銜土好不傷心也。且對泣介便是。小生工匠們就

啟土封瘞者。雜抬冬青樹上栽介。衆曉得合。

金甌線解醒。鋤破蘚苔。畦畛當乾亥。有甚來龍萬笏朝。
天矮金函次第排。莫教歪石馬銅仙無處擺。一杯黃土荒。
原蓋只有燕雀啁啾。上塚來。小生旦上香哭拜衆同哭拜。
介樵夫拜把冬青一樹遮。定墳臺。小生大事已完。我們下。

山到天章寺。暫借一宿。明早入城去罷。珠亡忽震蛟龍。
睡軒弊寧忘犬馬情。且親拾寒瓊出幽草。四山風雨鬼。

神驚下。

第十八齣 夢報

內扮秧歌燈
上繞場下

小生上 宜春合笙歌開 燈月輝耀珠宮鼇山

共飛光明不夜星橋 鉄鎖橫空際 小生 唐珏喜值元宵佳

景 獨來燈市遨遊 你看香車寶馬 仕女如雲 好不熱鬧也

綻銀花火樹周圍 舞鮑老郭伶嬉戲 這天街遺鈿墜鳥 任

人偷拾 行走半夜 身子困倦 且在這冷靜地方 石上假寐

片時 坐盹 介 黃衣吏持節上 唐先生起來 隨我去 小生

尊官何處來的 吏 不必細問 這裏來 下 官女羽扇引王

者上 祿籍暗隨陰德注 天堂但許善人登 坐介 吏引小

生上唐珏宣到王引他進來小生臣唐珏朝參伏願聖
壽無疆王唐先生平身昨蒙掩覆遺骸不勝感謝但汝
賦命孤寒並無妻子今忠義上動天心欽奉帝命賜汝
伉儷並賜三子良田三頃溫飽終身小生拜介驟蒙恩
寵令臣恟恍不知所措謹再拜稽首以謝王先生起立
一傍傳語冥司鎖押諸囚示觀一遍吏領法旨冥司鬼
卒押取楊璉伽生魂來者二鬼鎖淨上楊僧當面王
業畜你乃一介賊髡輒敢肆行無忌着雷神將他殛死
通衢以昭惡報更引雷電劈淨繞場下王着將西山允

澤二髡押入無間地獄。使鉄床炮烙百遍發生畜道。以顯冥誅。吏領法旨引下王唐先生。小生不敢。王你都看見了麼。小生看見了。王

浣溪沙。這是天網恢。只爲他人心昧。不得已輪迴相繼。似這般披毛戴角泥犁輩。枉了他負義忘恩恣所爲。須牢記。休得要失人身。誤前程。漫說是天道無知。引他出去。王領衆下。小生醒介。方才睡夢中見一王者爲我指示前因後果。好不怕人。那楊髡呵。

秋夜月。心暗虧身觸雷霆碎。炮烙刑誅囚十地。又酬恩爲

我完婚配感佳兒天賜謝良田天賜衙役上唐相公却在
這里小人尋得你好苦也小生你是何處差來的役小
人是治中袁爺差來相請的小生袁公素昧平生何以
見召役聽得說爲相公收埋陵骨是個義士故爾要與
訂交且爲作伐小生這也奇了既如此就此同去

隔尾書生偶把遺骸痊却受官人意外知須信道夢裡神

明不我欺下

末冠黃鐘
帶上引子

玉女步瑞雲綵幔紅燈夢裡良緣天定須打疊

來年湯餅下官治中袁俊齋爲慕唐生忠義既資田產更

主姻盟聘得故國公之女今日迎接新人敢待來也丙
彩輿上儻相照常恭請唐生披紅簪花上行禮並坐花

筵末側坐介合

畫眉序作合自天成文鸞彩鳳喜和鳴換蓮卮合卺香醞
同傾詩偕老好並朱陳案齊眉歡隨梁孟充閭自此多佳
氣今宵吉夢分明未掌燈送入洞房繞場介小生真令人
慚愧也

尾聲儂紅倚翠初承領羨他名士悅傾城這都是聖祖神

宗與証盟擁下

第十九齣 開府

鼓吹開門
生引隊上

浮龍倚長津，參錯走洲渚。蒼梧雲正愁，初日

翳復吐。我文天祥，艱難航海，得依新主。不料景炎皇帝，

又復上昇，今衛王在礪川，登極改元祥興，新銜寵命開

府延平，中軍傳諸將進見。雜引四將上諸將打恭。生下

官奉命專城，忝分節鉞，望諸君戮力王家，疆場奮勇，下

官謹屬囊鞬，願隨鞭鞚。衆丞相肩挑日月，手擎乾坤，未

將輩敢望麟臺，誓終馬革，尙求丞相指示機宜，庶免隕

越生諸君聽我道來。

中呂
過曲

尾犯序虎士御龍驤，鉄馬金戈，長城方壯，露布交馳。

立功名旂常休讓，談笑去飛而食肉，烽烟靖歸來圖像，搔華髮，籌邊樓上同看月如霜。諸君回營休息，靜候本帥出

兵中軍稟丞相，轅門外有一謝翱，說是建寧人，帶領鄉

兵數百人來投帳下効力，請丞相定奪。生真義士也。快

請相見。中軍引小生上。丞相在上，謝翱稟叅。生先生少

禮下官一再勤王，愧無尺寸之功，先生勁旅相從，實乃

邦家之幸，不嫌卑褻，暫屈叅軍，尊意如何。小生謝翱一

介書生，罔知韜略，特以激于義氣，喋血請纓，尙求丞相

驅策先生聽者

前腔

換頭

將軍戰馬滿沙場，監子無謀，空卷相向，元武鉤陳，

更凶連櫓槍，悽愴難得你，貔貅嚴整，須料理乾坤板蕩，從
今後登壇歎血誓與滅封狼，請到後堂小宴，吩咐掩門下

第二十齣 轉戰

外戎裝仙呂
引隊上引子

卜算子橫海跨樓船，不許鯨鯢吼，鳥避轅門

戰馬嘶，豪氣冲牛斗，俺大元經略兵馬大元帥，張宏範是

也，前與文少保會戰空坑，將他家屬盡行禽獲，送往燕
京，他兄弟文璧奉母惠州居住，昨聞他母死子亡，今日

趁他方寸荒迷之際，提兵轉戰五坡，大小三軍盡力殺向前去。

上馬踢陰雲，壓陣愁，鉄馬銜枚走。彼軍爲我奔，摧枯還拉朽，漂杵投戈，殺戮連雞狗。棄甲如邱，天意甚分明。數當陽九下，生領兵上俺文天祥。今日與元兵轉戰五坡，軍士們奮勇殺向前去。

勝葫蘆再舉王師靖國仇，含笑看吳鉤。白羽馳書飛斥堠，未央報捷，管取獻纛囚。外上冲合戰擒生介，外丞相被執。當順承天意，宏範必爲保全，不失台輔之位。生事已如

此不必多言，快快取我頭去者。外說那裡話來，丞相乃
一代名臣，宏範焉敢無禮。解縛介丞相請坐，生蒼天那
皂羅袍，我鍊石難全天漏，歎南冠而縶，默坐低頭。外左右
取早飯來，請丞相用些。雜捧盤上，生撤去，敵存朝食，面含
羞家亡苟活，顏真厚，天心有待微軀，且留人謀不遂，餘生
暫偷這樊籠束縛，難消受。雜扶生下，外好個鉄錚錚漢子，
且緩緩勸他便了，正是丹衷懸日月，浩氣凜鬚眉。下

第二十一齣 匡山

龍神領

卒上

水晶宮闕白雲連，桂棹蘭旗列水仙，莫笑樓臺

多蜃氣，又聽人海變桑田。小神東海龍王是也。宋祚已完，天潢當盡。今日乃祥興皇帝殉國之期，且向厓山會同風雨雷電諸神，伺候則個。下。且楊太后手攜貼旦帝裝小生淨同駕舟上。

大過
過曲

念奴嬌序。蒼茫萬里，駕龍舟漂泊，斷梗難停。誰掣鯨

魚帆迴處，六鼉捧舵前征。且老身楊后時丁未造，手挾孤

兒中華無處安身。海上聊開行在。張陸二卿，淨臣世傑。小

生臣秀夫在。且看來大數難逃，不如早些引決罷。淨小生

請聖母且自寬懷。臣等誓不負國。且思省潮打空城，山圍